

瑞
榴
堂
詩
集

瑞榴堂詩卷三

蒙古托渾布

建陽道中

水綠兼山綠人從畫裏行
峯腰雜樹色谷口答樵聲
水激荒村碓松支埜岸棚
明朝宿何處屈指到榕城

過延郡登葫蘆山

雲山不可辨豈復識前路
大峰列嶽崎遠岫如僵仆
莽々萬重山故鄉在何處
我今來閩嶠出守一麾赴
肩輿監峰腰恍若蟻緣樹
上山脚難開下山

脚難住安危繫輿人有景不暇顧古道少人行榛
荆亂迴互炎、溽暑天乘車亦云苦車中猶難堪
况乃在徒步道路阻且長三伏途中度蠻雲鎖驛
樓危橋橫古渡視險直如夷且自滌塵慮古來聖
賢心隨在安所遇

奉和程梓庭制府閩中三度端陽元韻

南天駐節逢端三度流光一指彈渡海心同瀟
水苦愁霖意警越梅酸蕪香禱兩鳩民慰蒲劍生
風鼠葦寒激濁揚清資變理歌傳保艾衆情歡

附錄制府元作

節逢重午獨名端屈指光陰已六彈回首金陽
真膽落往時洛水正心酸艾多未足三年蓄暴
少難祛十日寒歲々餐蒲今又熟大酺願與衆
生歡

附大兒金鎧和韻

日正天中令紀端長絲獻壽曲中彈賜衣清沐
芳蘭潤解糴香含翠棟酸膏澤萬家堪續命時甘

雨應祈田禾暢茂 陂塘五月不知寒何緣畫戟陪高詠

蔀屋先聞鼓腹歡

題黃衡卿夫人涵碧樓詩集

湖光涵碧愛樓居咏絮門庭韻有餘
祖澤琴南贐令尹孫枝硯北女相如
風清林下閒裁句雁度雲邊數寄書
蘭芷嘉名宜肇錫楚詞香草譽無虛

附錄文夢薌總戎題涵碧樓集

飄渺幽情寄楚詞

愛讀離騷集中常咏及之

命名芳杜果相

宜平分硯席琴三弄管領湖山筆一枝
底事碧

蕪工望遠累人紅芍賦將離

集中多寄外詩陸生清福

須知惜畫閣聯吟話茗時

登榕城烏石山積翠寺晚歸

隣霄奩上白雲飛范公祠外秋筍肥
淨光塔纍幾

百丈荔支樹老俱十圍，偶攜客來踏黃葉，遙看天際描翠微。石磴千盤滑，積蘚小樓一角明。夕暉努力登樓，縱目望螺髻。芙蓉各殊狀，日落山前斷翠霞。風捲海聲，悖奔浪上方。鈴語何清幽，一村燈火盡飄颻。歸來馬上聽晚鐘，一鈎新月遙相向。

遊烏石山

冶城有三山，烏石居其最。三十六奇蹤，并與茲山會。烏道紆千盤，雉堞環一帶。倒立薛老峯，懸流浴鴉瀨。面之青蓮花，層之白雲蓋。石骨立峴嵒，聳出松篁外。狼石卓兜擎，高樹搖旌旆。我來御天風，拾

級搜險怪幽泉通地肺衆鳥吟天籟古篆陽冰書

峭壁苔蘚壞更上一層樓

用成句

風光宛如繪振衣

豁胸襟開牕縱眼界遠近樹如薺高下田如罨海
氣極青溟天光瀉沆瀣檻外松子香塔角鈴聲碎
是日值微陰茲遊乃大快歸時罷晚鐘燈火分萬
派回首翠微間新月如鉤掛

附金鎧中秋後一日侍遊烏石山積翠寺四

首

烏石峯高出海寰秋光夜色滿禪闕舉頭惟見
天心月對面橫排畫裏山極浦煙波瀾縹外遙

村燈火有無間
隣霄臺上凝眸望
萬里空明擁翠鬟

層巒積翠隔塵埃
此夜登臨亦快哉
月照上方銀世界
雲籠僧院碧樓臺
隔江漁火明還滅
遠寺鐘聲去復來
恰喜蟾光遠勝昨
無勞絃管再吹開

昨夜人間曾賞節
今宵山上又開筵
高朋滿座傳佳會
童子何知結此緣

座中廉訪鳳丹岩諸公皆前輩惟余年竄

少得與座隅玉笛聲飛天外調
霓裳曲奏月中仙

一番歌罷人無語
金鏡當空望正圓

西江昔過滕王閣北楚曾登黃雀樓每到名區
尋古迹今逢勝地喜從遊山城雉堞環欄外烟
樹鷗村隱渡頭從此更開竒妙境慙無好句辟
間留

附錄文夢薌總戎同遊積翠寺二首

極目滄波萬景收四圍山色共雲浮人來積翠
烟中寺月滿隣霄海上樓此夜天風吹好客昨
宵清夢過中秋不須更唱陽關曲又聽新聲感
舊遊

秋宵雅會集良朋絕頂樓臺待月升支海汪洋

窺白練遠山明滅見紅燈歌殘未許花爭妬情
重難消酒不勝自有主人能醉客何妨寂寞一
詩僧

建陽旅舍

鳥語深林樂意闌棲遲得地暫開顏樓危直欲平
遙嶂屋小方知礙半山南去水聲經檻外北來鴈
影落岩間端宜小住尋佳趣但覺塵心到此刪

黃田驛途次

倚樹復攀蘿羈人嶺上過懸岩高釣屋險路下攢
河飛鳥入雲沒征輿仗緯拖朝天橋甫跨澗外起

樵歌

詠海錯三首

西施舌

一捻如莢剪出勻白于軟玉潔于銀鮑因名豔羞

稱乳

河鮑白一
名西施乳

猩為膏醲儘取脣細嚼疑聿吳語

軟飽嘗還比越蓴珍早朝誇向含香客異味無煩
水族陳

江瑤柱

紛々列入蛤蜊羣別與文鯧張一軍腕愛柱逾珠
徑寸鮮侔肪截玉三分未須盛饌熊燔掌那羨嘉

肴鼈有裙遙憶津沽風味好

津門亦饒海錯居畿京師時每得飽嘗

回翹首望燕雲

雪魚

閩中入冬未易見雪而是魚獨以六出得

名潔白鮮美風味極似鮓鱓年頭臘尾漁者舉網偶一得之非尋常有饌中所易致

也

肯與尋常白小侔形兼縮項與槎頭

白小縮項槎頭皆蜀中魚

名見杜少陵詩注五侯鯖好難常得六出花飛偶許求潔

愛銀鰲烹異味細挑玉箸詔珍饈釋魚爾雅翻遺

此當鮪還應共一流

鮪魚即爾雅之當鮪見說文注

臺陽西螺柑

聽鷗載酒復携柑嘉種何人訪日南到手金丸沾
袖馥入脣仙露潤喉甘重洋渡遠鮫人載僻島林
深海客諳擬向南荒圖草木勝流何處訪嵇含

荔枝

徵歌豔說荔枝香此日纔逢十八娘絳裹未殊縈
指澀晶丸纔咽浸牙涼分甘拚作西園醉餉遠難
供北客嘗莫怪劉公誇故舊散衙親為畫圖忙

登石鼓山途中即景得七言長律十韻即題

寺壁

春山無伴獨相求

陵用少陵句

買得扁舟選勝遊
繫纜路

還穿徑曲登山步
肯怯途修泉飛瀑布千重瀉
路

入松林百折幽
埜草無香蓬亦聚
閒蒼吐豔蛟爭

挖西來縹緲千年寺
東際崔巍百尺樓
廡院林中

飛鳥散更衣亭外
夕陽收靈源洞邃
波常冷喝水

巖空壑斷流小憩
渾忘歸路遠長吟
不覺暮烟浮

空明仙境塵氛隔
清淨禪心俗慮休
斷續鐘聲時

到耳揮毫題壁興
偏悠

喝水巖題壁和宋徐錫之原韻

晏公愛處宋寥間，喝退溪流獨閉關。
可惜廣長虛妙舌，不教說法向靈山。

東坡詩：溪聲真似廣長舌，山色常如清淨身。

附錄金鎧喝水巖一首

石橋橫亘接高峰，謾漉濤聲出古松。
澗下當年流瀑布，巖邊此日聽鳴鐘。
青山有幸鐫名筆，古澗無聲認佛蹤。
遊罷深崖天色暮，回頭歸路白雲封。

又七絕一首

隨波逐浪總無休，古澗如何水倒流。
不是禪師來一喝，滔々未必肯回頭。

甲午孟春鳳丹崖廉訪王平華周澗東兩觀

察同遊鼓山湧泉寺四首

繞郭春山春欲闌，尋春趁曉出郊寒。
湧泉記昔求甘澤，石鼓曾聞有壯觀。
風戛長松虬影動，潮迴大海虎門寬。
相將策馬登高去，萬里雲山共俯看。
蠟屐褰裳入嶺初，寺鐘雲外幾聲疎。
石頭路滑行宜緩，喝水岩高步欲徐。
泉響聲流煎茗後，松濤韻好話詩餘。
徘徊手剔題崖字，苔蘚模糊辨魯魚。
我亦留題記壁間，春風回首去來還。
留人豈必忘歸石，觀海須登大頂山。
杖策携雲尋古道，扶桑指

日照塵寰好風吹上丹梯路
巖崩峯頭手共攀
天風吹起海濤邊
仰止高山宋大賢
往哲留名非
但筆神僧去後
尚留泉盪
霄雲動千峯
雨到眼
春生萬里天
俯視郊原方
待澤迴思前
度禱時度

和鄭夢白方伯閩中感興八首即次原韻

擊楫高歌憶放洋
壯心直接九霄長
竭來磨盾驕
青海終竟崇文賴
紫陽阜物還教
椰有酒

椰子酒出鳳山

南小琉球嶼

驅邪不使麝留香

麝香出臺灣

與公同戴

君恩重拚與風塵競老蒼

豈獨崎嶇數七盤
梨闌楓嶺跨流湍
記繞曲度湘

江險

余自湖江
捧檄來閩

恍又身經蜀道難
聯甲久行終拜

患

公以延建邵汀等郡
徒出沒宜行聯甲之法

匪呼庚預恤望居安
捐義

報以儲民食即體
公思患預防之意

海門從此風濤息
月落譙樓盡

角寒

紫玉丹霞

漳州島嶼名

各逞雄藍流苧水

泉州水名

早朝宗

但如歐氏名聯第

閩人舉進士自泉州歐陽唐始
詹與韓愈聯第時稱龍虎榜

不願黃公譽裂灘

黃公名梧國初以漳州海澄
來歸封海澄公康熙中聞耿逆

之變

裂灘而

贈太保火烈終憐焚玉石水清豈復混魚龍

廬漕尚可成風俗况是

昇平久訓農

公以漳泉等郡聚俗羣居報相械門
武健之吏焚其巢穴而未獲靖故云

話到咽喉鹿耳門鯤身鳳臯

皆臺地山名

信邊屯身衝

烽火殲渠孽

余守臺時生擒渠魁無算其劉邦鼎一名即手戕前大守者摘心以祭人

快心大手獲俘囚獻

至尊

其張丙等余親解入都獻俘

借餉先權謀食計

余於臺地借糧餉兵

渡舟猶凜落潮痕

余解逆匪內渡屯忽潮落擱舟

田自是安邊

策海島終須轉粟論

公以臺地開闢未久民氣浮動必須移兵轉餉未可輕議

屯田

討海生涯碧浪間

海濱捕魚為生者名曰討海

不如立社可圍

艱依蒲始見魚遊沼乘驛須求馬在閑深恐蔗漿

非煮海

閩地出蔗糖其利究小

難因茶稅便移山茶市在建寧岸安

從公誓欲儲民食來日無愁有啟關公以福州等

須立義倉以儲不時之需誠至論也余初迫於軍務及未有於丙申歲勸捐義穀十餘萬建倉于省

之東北隅

常袞聲名高蓋高常袞以宰相出為閩南當年人

物入甄陶我來敢望人留佩閩人思鄭渙政事往

渾如手種桃嶽釋根株休縲縶俗輕性命重錐刀

閩俗每遇臣崇必有跟交家屬班押株連之弊命案時有頂免公下車即禁之余承流率屬不敢懈

急春冰虎尾徒知懼負重還如舉首鰲

不數形鹽與鏡銅中山恭順使相通琉球國即中山王之後

番情縱使嗟能靖洋面還須警不衷暎咭喇有船遊行洋

面蹤跡
說異
敢謂功名酬壯歲
祇憑忠信涉長風
噶瑪

蘭是新疆土

威誓扶桑東復東

鞅掌奔馳敢息軀
保釐還憶舊分符
獻功祝

聖康而壽平患觀民美且都
此地曾經傳拓土
閩中

太毋山有太武夫人壇記云閩中臣心差喜近還
未有生人持自夫人拓土以居

珠
福州還珠門
五代時築
課耕課織從今始
共讀幽風七月

圖

福州水災紀事甲午

元冥不合翻天柱
欲與生民爭土宇
龍宮挾勢助

潮來三山不見見飛雨淫霖幾日湮民廬屋脊猶
存空比戶延溪建河不相容併入榕城為水府城
下洪波數丈高又復濤頭突五虎闔城禦水如禦
兵千聲萬聲禱神禹將軍棄馬乘桴槎士女非鳧
落水澣即教穀沒尚餘田縱使珠還已無浦海艘
運糧久不來會城自昔少積貯奸商壅斷欲居奇
我乃禁民毋相侮權作市司價必平艱食鮮食聊
安撫長府支錢且救貧監河貸粟亦為主急所先
務活斯民勝於閭閻咨疾苦不然厄水復阻飢閭
嶠之氓多葬鹵海洋纔得靖干戈忍使鶴鷺再行

五木片言 卷三 二
伍我非王景能湮流聊效婆留挽强弩一時捍患
竭微才還期百歲長安堵足食本在足兵先建倉
儲穀命春廡九年三年蓄積多龍師兩師首齊俯
鼓樓成詩以落之乙未

名山自古鍾靈異莫有鎮之氣驕肆不將寶塔壓
崇隆須建瓊樓為節制福州五虎蹲海門甲年雨
點挾潮痕農賈已咨民事苦人文不見吾道存穰
災豈獨安沃土大人之占須變虎百尺雕甍直矗以
樓千里夏聲懸之鼓一時度地復鳩工不日成之
聳碧空虎踞直教面遙對獅蹲乃與勢相通憶昔

茲鄉多表式危樓久壯江山色沈亞夫修曰戴星

鄭性之建名拱極而乃安適

福州
軒名

恣徜徉不如日

新堂文昌光又況談文渺曾鞏徒令講學慕蔡襄

曾鞏蔡襄
俱知福州人言霞采依樓起我口不言心暗喜有

星熠熠

北闕前是斗煌煌炎州指忽聞臚唱半天中福州
人士冠羣雄舉酒躋堂人競賀聞捷長鳴馬嘶風

郎家舊有梅花唱

殷拱林
鴻年

果然人似玉山樣一色

杏花同放時十里珠簾齊捲上國初以來數人

豪閩中未有躡金鼇唐泰十才須讓席高棟三絕

與同袍

唐高皆
閩人

君家世世有才名前有之奇後文

英不徒榮名邁先達所願勵學勗後生斯樓成兮

瞻滯嶼地果靈兮人亦傑逢逢豈鳴震九霄人人

花向

上林折

義倉成詩以紀事 丙申

閩中形勝少田莊強半山谷與石梁貧家不能儲
糗糧蒼蒼海口望帆樯帆樯載粟泛重洋來自臺
灣入閩疆不獨會城足酒漿數郡之民藉充腸偶
然海面不可航家乏朝春空簸揚或遇颶風送他
鄉呼庚呼癸周城隍前年全城賊擾攘有如白粲

長糶糠道路不通走且僵內地有秋亦如荒次年
水灾農事傷空困何術請發棠我執其政莫敢違
以食為天仰金穰又恐變生力隄防此鄉何可無
義倉義倉之設非尋常獨木之支徒踰踉旁觀紛
紆議更張謂地卑溼難為蔽我闢衆論審精詳從
善如登選端良城之東北日周章建成廩舍置曲
房倉人庾人具橐囊頃刻萬斛升斗量若慮粟紅
與梁黃日以暄之風以颺天灾流行誠莫當有備
庶期免逋亡但願彼蒼降之祥閭閻歲々慶阜康
不須告糶用圭璋禮義生於富庶鄉賢者謂我此

謀臧竊願持以告四方

瑞榴堂詩卷四

蒙古托渾布愛山

前放洋歌

請纓我昔輸終童投筆我敢乘長風
竭來王事迫靡盬捧檄將泛扶桑東
臺陽僻居大瀛海徑度直接馮夷宮
十三更歷八百里一航俯仰洪濤中
我生燕趙歷涼楚三吳兩浙留遊蹤
一麾出守來閩域色喜彷彿同毛公
通者奸民作不靖弄兵煽動潢池烽
朱一貴林爽文甫滅餓復熾狻猊不改兇
頑兇磨牙吮血逞獠性滔天踏浪恣狂
恚譬之稂莠燒

且藉一眴仍復紛橫縱燎原勢亟貴速滅玩愒何
以殫臣衷我慙施琅藍理具韜略壯志未肯耽疎
慵揚帆慷慨去浮海澗澗潮汐衝艤艘廈門而外
水天接四隅不辨空溟濛大擔小擔峙黑子馬崎
花嶼浮奔馱南東兩旋遠無際溟泮上與天河通
雲垂水立溼裊席風起浪湧掀孤蓬大魚跳波亘
千尺鬚鬣高欲撐蒼穹暗礁沉水非一處行舟觸
著穿驚濤自憐涉世等蓬轉久經宦海心忡忡到
此未肯信易語大川利涉無終凶須臾天邊青一
鬣鯤身鹿耳經重々帆飛風緊若天助破浪迅駛

非人功未炊斗黍已到岸泊船撾鼓聲藁々回頭
顧語諸僕隸習坎入坎毋怛怛行險未可侈僥倖
誠格端恃中孚忠作歌紀幸復紀事竒遊未敢誇

蘇公

波公遊儋州大海詩九死南
荒吾不恨茲遊竒絕冠平生

臺陽紀事八首并序

抵臺陽

臺郡賊匪蠢動前此守令均以捕賊致被
戕害余甫辭風浪即綰銅符風土未諳兵
民震蕩昔人云攬轡澄清又云下車觀政
今則子身叢脛惴々焉正不知若何展布

而後底于救安綏定也

臺陽夫如何宛在海中沚千里鞭莫及四郊况多壘我來攝郡篆羽書正填委岌々此危城撫綏何所恃文解幹濟材武有饑羸士人心如懸旌一散不可止賊勢如蔓延驚遠而思邇吁嗟此邦岷險詐復貪鄙首鼠持兩端為域倏為鬼朝來雜良民帖耳居閭里入暮昵匪人甘為賊驅使何以遏其流何以端其始募勇還登陴一夕百回起

練勇

臺兵八百餘名守禦殊苦不足亟需團練

義勇籌備戰守之策時臺防司馬王君衍
慶方解組聽候部議尚未內渡君前此曾
攝守篆頗饒幹濟才余迺親詣旅館延之
公署遇事諮度而行帷幄之謀頗資勳益

廣益貴集思毋解莖朋至况茲險難中亟資帷幄
議觥王司馬方以一青累我媿薦賢職敢敦推
轂義君亦感予誠惠然不遐棄保障賴經畫相需
如指臂疲卒不盈千團練豈易易所幸饑饉餘人
心渙而萃招徠匪異術虞詐兩不試昔者此孤城
危隳如卵累今者此孤城嚴肅復駿厲治法與治

人二者本相濟所以昔人云無患恃有備

守城

臺城凡八門酌派文武各官分守之砲火
之屬專令誠實紳士加意守護勿稍疎懈
慎啟閉稽出入間諜者無得而肆其窺伺
之謀矣

義易設重門擊柝禦暴容茲城廓有容八方啟門
闕守衛率兵勇清野先堅壁啟二閉厥六呵禁儼
重譚其下坐丞尉紳民共驅策其上列兵勇森嚴
執戈戟出入稽樵蘇防閑絕萌孽豈無不逞徒為

騰為蠹賊開誠亟布公以德不以力始或疑面從
久乃驗心格同仇勢益壯臨陣氣無敵衆志可成
城斯理果不易

籌餉

大海遙隔蒞糧未至設兵食不足無以鼓
其壯往之氣且衆兵乏餉勢有鼓噪之虞
鄉勇缺糧將有渙散之慮若不速為籌備
其患何可勝言往歲用兵時官吏每稱貸
于殷實紳商數或鉅萬事竣後未能即時
籌款清償嗣有急需與之謀鮮有應者余

矢慎矢慮始亦不願為發棠之舉願事出
不得已姑往籌借許以餉至即還所幸人
心悅服慨然以六萬金見貸餉精賴以不
匱迨正月制軍抵臺大餉亦到即如數歸
還各紳商咸以余不食言為感

守城既足兵餉口謀足食巖疆四無隣蒼茫一水
國饋饒隔重洋飛輓苦乏術朽腹萌離心鵠面現
菜色始籌奠黔黎繼籌安及側點金鮮竒方稱貸
許國息性情矢磜之肺肝見一之信憑質劑無
煩指天日翻藉居貨商暫拯膏盲疾毋云一諾輕

視此十萬鎰景從有贏糧飽飯勝飽德歡聲殷如雷誓死願殺賊

用間

重洋阻隔久未得濟師撥餉之信賊氛日熾慮兵勇惶怯或有他虞乃設計作書揚言自省垣至者中云調集閩粵兩省雄兵八千餘名即令放洋飛渡會剿翼日又作羽檄一通言星使某大將軍自天津配船率勁旅赴臺撲捕并令潔除僻宇供頓之具以俟尅日臨莅云云先後將書檄傳布

紳民並示諭城內外兵勇知之衆心由是

始定

徵兵既紆緩乞米渺餉遺子墨苦不靈嚙指陳危
辭但期徵省聽違敢惜淋漓拯溺拯焚兼痛入心
與脾對使再拜上羽檄紛交馳奈此危城危幾等
一木支我無良將才強學國手醫量沙不厭詐滅
竈不厭欺一函奉八閩雄兵選蛟螭艤艦迅且駛
指日臨騷之一檄下大府星使來天堦陳師還
鞠旅驍健如熊羆捧海以澆螢滌蕩眎可期大書
張國門公言不敢私先聲能奪人振響逾鼓聲人

心自救安賊氣蕭然衰迄今憶往事未敢重追思

通道

馮提軍剿賊嘉義在郡城之北相距百數
十里時賊勢猖獗文報皆阻勝負之信久
不能達提軍檄調達叅戎率兵二千赴郡
南鳳山縣救援慮兵力單弱設致疎虞
將有藉寇兵而賈盜糧之患乃精選練勇
一千名俾令帶往披堅擣虛乘勢搜剿提
軍亦迭獲勝仗兵勢大振南北道路始通

并獲逆首

成周既克商蠻夷乃通道方其燎原時麻鋌復獸
擾鳳山僻郡南妖徒恣苛矯遂令康莊途宛隔孤
絕島狼河音既斷鴈足傳亦渺忝戎好身手率師
行矯之我謂攻先聲銳進須自保益之兵一千數
符虎賁巧達君初帶兵二千名旋聞振鷹揚猛搏
覓免狡我軍盾齊磨彼徒戈或倒遙接大帥營軍
威增浩之捷書日數至沙蟲迅揮掃王道坦且平
芟夷苦不早

擒渠

嘉義諸賊漸次廓清余亦遣將率兵將南

路各處賊匪悉力攻搗全數殲除並生擒
兇渠許成等八九百名昕夕研鞫脅從者
貸之其罪不可逭者駢戮無算就中劉邦
鼎一名係手戕前太守呂君之逆犯乃設
位招魂磔其屍而摘心以祭人心為之大
快

上氣日以壯妖氛日以竭元戎多老謀再厲復再
接漂搖如青燐萎敗等秋葉遂令刑天徒陸壘還
水慄我亦整我師振旅嚴步伐首惡迭就擒餘孽
走且蹶如張千絲網一々羅蚌蚶前守東萊裔苦

為王事歿今茲獲兇渠數罪難擢髮望空剖心祭
聊以抒鬱勃獻馘姑徐々鞠囚苦矻矻君聽班師
回金鏡喧競發

凱旋

星使渡臺後大功告蒞署守周君亦至余
乃得代時首送張丙等四名經大府奏
聞命余護解內渡獻俘

闕下因偕叅將靈君並隨從兵弁由廉仔
港放洋而行四舟並發余亦甫出海門忽
潮落擱淺不能進水入艙艙紛々解散維

時心膽震蕩汗決于背賴三舟駛集一處
亟徙他舟始得挂帆同發仰邀 天后

默佑風順波恬一晝夜同抵泉州崇寧澳

口矣

息肩得衣代在泮將獻囚行趨

丹闕下踏舞瞻

冕旒同行偕靈君揚帆趁瀛洲俄驚巨浪中淺阻
浮槎浮至險疑落際竒福同膠舟所賴神護持三
舟行夸猶不後亦不先相應如相求輓之緋與縞
携歸衾與裯如出重圍中復作逍遙遊自茲行孔

天木
安順風嗑颼颼
駢檣迅若飛
點水輕于鷗
感激矣
寸衷蒼々奚以酬

臺灣府署古樹歌

非榕非檜何青蔥
攫挐夭矯盤高空
搏桑燦爛茁東海
笑爾臃腫徒當風
霜皮溜雨斑斑古
不入羣芳嘉卉譜
根深蜿蜒海底蟠
枝葉離披月中舞
那堪採作棟梁材
祇合頑偕樗櫟伍
君不見珠江吉貝如火燃
紅霞灼灼焰九天
又不見光孝寺前貝多樹
葉々貴比兜羅綿
海濱是處饒嘉樹
詩人往往留題向
幾度摩挲為爾憐
憐才大匠何時遇

臺陽秋柳四首用漁洋山人原韻

飄搖踈影劇消魂
那伴靈和與白門
敢共搏桑爭日景
祇隨葭積霜痕
鴉歸亂點林中葉
秋老淒迷海上村
陡起一聲羌笛怨
曉風殘月底須論

柔條婀娜早禁霜
一半離披拂野塘
雁陣銜蘆空

作字魚鱗積素纈
開箱拳條悵遠悲
司馬執穗輸

誠獻蟹王

袍朴子蟹執穗以
朝其魁魁蟹王也

憶否飛花復飛絮
春

遊未讓永豐坊

碣球常被短後衣
勞之亭畔路全非
妬他眼細垂
肯早似我愁牽綰
別稀尚有一蟬
含露咽已無孤

燕拂雲飛湖邊多少芊綿影

會城小西湖兩岸栽柳甚多

舊跡

重懷旅願違

江潭漢上庾公憐侶此何堪
冒瘴烟鬼蜮幻形徒擾
沙蟲小劫又綿綿者卿詞
嬾歌新調張緒姿還遜
昔年莫道東偏受風好
一般蕉萃大堤邊

周芸皋賦海物雜詠如干首
余效其體得八

絕句

螺盃

晶瑩外作玳珠色
澗澗中涵琥珀光
我愛天然謝雕飾
玉杯金盃總尋常

文石

磊砢居然敵瑾瑜登萊而外此涵濡

東坡于登萊海上得文石

最多貯之古銅盤中以清泉養之名曰怪石供

斑々文采生來具持問南

宮愛也無

海馬與海狗形狀稍異

怕遭人叱甘呼馬倨爾騰驥亦異才鱗甲軒昂鬣鬣勁不須天驥賦西來

龍蟲一名聾蟲

孺々生向海中居不作尋常逐隊魚借得聾蟲名
自好祇供龍伯一軒渠

帽華螺

豔于翡翠輕于黛碧色疑露柳汁解瓊弁玉璫都
不稱祇應粧閣嵌花鈿

氣魚

在淵未肯潛而伏秉氣無端大且剛釣上綸竿餘
怒在七情笑爾未全忘

蚌瓢

珠胎剖後同魚泣瓠落懸來與笠偕莫更相持尋
鴈鳥祇宜挂向許由齋

鸚鵡魚

依稀翠羽兼紅距不愛騰天愛蹀淵多恐能言語
物忌悠然身世遯江天

後放洋歌

孫恩就縛盧循殲滄瀛浩蕩風波恬紅旂入告徹
陞殿鏡歌騰奏喧樓船憶昨軍書正旁午奉檄我
較諸公先衝濤泝浪百不畏性命直作鴻毛捐四
澳八罩越險阻青嶼黑港驚濤濺澎湖以上浩無
際貓嶼之外深而濛所幸至誠格天祐颶颶不作
輕帆便金陽維時劇孤險四野烽火遭摧殘妖氛
逼側勢岌々毒霧噴薄雲漫々敢誇韜略炫茶火

勉坐帷幄籌安全繕完倉廩練義勇脩葺樓櫓儲
戈鋌呼庚呼癸撫宜亟五伐六伐令敢愆兵氣既
揚奸宄絕設伏防險城彌堅攻心上策戒屠戮賈
勇餘力湔腥羶三軍甫集大功歲廓清餘孽除兇
頑士返庠序農畝畝工居列肆商居廛生民一
登衽席樂郊樂土歌欣然弓橐矢戢我亦去放洋
重挂歸來颿波平貼妥如展鏡舟穩鬣疑乘蓮
四圍山翠點輕黛萬里水碧生微瀾烏滄隱：現
島嶼祥芝點：浮連捲心安那復慮境險巨海直
作堂坳觀倭返權情轉急默巔海若心維虔小

人有母違定省遙知久倚門閭臨深已違曲臺
訓祿養未遂心憂煎順風儻援馬當例酌恩續獻
元虛篇

護解俘囚由臺洋內渡舟行抵泉州港口風
逆水淺不得已易小舟而行紆迴數十里
始得抵岸翼日由陸晉省詩以紀之

扁舟一葉如蜻蜓衝風逆浪趨沙汀沿緣達岸不
得上水濁激々迴齋淪風波笑我習已慣跋涉詎
憚淤泥濱誕登躅躅行孔棘沾體塗足如農民暗
潮溜急沒脛膝盲風勢猛吹綦巾宵躡僕々鞅掌

苦登陸吾乃有吾身

吾有吾身
本梵經

陸行四顧虛無人

兩雜海氣吹來腥望中瓦屋遙露脊到門寂々如
孤亭登堂闢牖甫小憩枯腸雷轉聲振々尺書甫
遞太守至握手道故交如醇豈徒放箸得果腹且
免困守同枯鱗方舟並駕役夫集檻車僕從行駢
駢歸來較似放洋捷三山望裏森闐闐作詩聊紀
行役瘁歌擬下里慙陽春

奉檄督解逆犯張丙等入京二首

我徂東海逾十旬歸者袍袴盈征塵小休未許賦
沆可奉檄促迫長安行獻囚自古必在頻矧茲梟

猗尤狺：我行曷敢少濡滯北堂再拜辭 慈親
短衣匹馬去慷慨餐風宿露心凌嶺秦嶺輟劍與
籠鳥可憐卧起同朝昏甘言美饌詎敢惜山程水
驛忘艱辛甌閩吳越跡遍歷齊魯燕趙長途經杪
春發軔訖盛夏裘葛既換寒暄更舟車歷碌七千
里六時百遍心魂驚一朝檻車抵京國仔肩甫釋
心神清那堪大慈性訛諭譎張為幻辭無情雲亭
輾轉肆狡辨侏儻缺舌翩：陳要囚丕蔽五六日
妄思釜底逃遊魂嗟爾潢池弄兵器生成自外逾
頑民大易明罰重赦法周書刑乃期無刑魑魅魍

颺灑罔貸煌、三尺如雷霆爰書既定頑讒熄鯨
鯢就戮瀛波澄遙知畊鑿安作息引恬引養歌

昇平

瞳矐朝旭扶桑紅

聖人臨御明光宮小臣齋肅伏丹陛

天顏有喜聞呼嵩

玉音煌々賜清問敷奏額手陳愚衷

聖朝德威覃陳溢華夏胥入帡幪中臺陽僻居大
瀛海人物椎魯仍昏蒙南閩東粵襟相處糧莠曷
茁良苗叢始因錐刀互爭利旋致蠻觸交相攻彼

蚩者氓易煽惑如螢熠燿蠅蟻之狼跳豹躍不易
縛磨牙吮血紛爭雄嗟彼小醜作不靖上煩

宵旰勞

宸聽

天威震疊降

綸綍上將振旅驅艤艘攻心有策稟

廟筭如拉枯朽摧飛蓬橐弓發矢一朝定歡騰鏡
吹聲雍容從茲民物奠安阜青雲千呂年屢豐徵
臣陳力効拍臂奔走何幸叨酌庸冠飄孔翠階級
晉天地高厚

恩崇隆誓矢勤慎答優渥敢辭况瘁耽踈慵退朝
晷逾旣影八花外習習來薰風

臺陽護犯赴都路經省門金鎧呈詩誌喜因

附錄之

百姓堵墻觀聲騰說好官一身都是膽數月不
離鞍烽火煙浮島潢池盜揭竿彛親私拭淚囑
子學承歡東渡雙旌遠西風一劍寒雄心思報
國壯志已登壇帆自鯤身轉舟從鹿耳攢瀛壖
安衽席海嶠慰壺窠築壘軍容肅登陴義勇團
縫衣擒市卒馘首斬樓蘭日并平蠻食宵傳饗

士餐鋒摧霜刃白血染戰袍丹愛克威先振歸
仁政自寬平戎除伏莽賑撫卹凋殘丙舍沿莊
補丁糧計口攤三旬連奏捷萬戶喜呼讎有子
今名賈長城昔比檀表功麟閣上宣詔

鳳池端觀察崇階晉榮銜兩省看龍韜舒海甸
孔翠耀臣冠幕府文章薦歸帆挂席安飄然持
玉節肅矣上

金鑿拜 母欣康健牽兒問瘦胖歸期知不遠
好待露溥溥

附錄及門孝廉鄧英平臺誌喜四首

五花自昔歷黃堂經濟文章兩擅長事繁大端
培士類治先急務賑民荒一麾高揭庭如水
牘平分筆有霜慙愧祁之諸弟子龍門百尺詔
宮牆

樓船萬道向鯨波捧檄親為指畫多說禮敦詩
儒亦將挽河洗甲士韜戈海天秋肅寒而慄島
嶼春溫釀以和東望閩疆資保障金湯永奠匪
謳歌

獻俘

闕下奏功恢萬里馳驅此日回報績固應分豹

略論勛直合繪麟臺請纓自壯風雲氣銘鼎終
需柱石才重見福星臨海嶠絳紗深喜獲追陪
觀察閩南奉簡書軍民重覩使君車膏分茆屋
春風暖慶洽護庭化日舒天為功名增色處我
於文字受恩初心香一瓣頻私祝

帝陞賡颺獻典謨

附錄及門翰林楊和鳴平金誌喜詩十首

手持英蕩下

丹宸崇港春風待澤新賈董才名滿京國范韓
事業在甌閩陶鎔人物憑雙手表裏河山仗一

身自是

九天恩眷渥雁銜鳳誥錫頻頻

燕盒簿闕仰西豪華袞榮同一字褒七葉金貂
珂里貴滿林袍笏戟門高從龍久繪三台像汗
馬喧傳百戰勞更是青箱傳奕禩有人位望冠

文曹

名場年少騁黃驄日下雲間譽早通倚馬才華
空冀北射鵬姿格秀江東文心組就三縑繭人
品圍成百鍊銅南陌看花誇得意杏林高擢一
枝紅

曲江春宴散瓊林仙吏飛鳧按部臨自有文章
堪報國從來民社最關心河陽花好春携雀單
父堂空夜抱琴轉盼黃堂欣晉秩更教榕嶠挹
商霖

銀章新綰莅通都五馬頭銜古大夫官道花迎
朱雀桁仙衙人拜木魚符虛堂懸鏡秋如水畫
戟飄香日未晡聽說孟嘗庶政著陽春合浦早
還珠

最是荏苒擾攘秋嚴疆鎮撫仗鴻猷葉公免胄
歸鄢郢張敞治裝赴冀州三月發棠民待哺四

門設梧盜歸因粉榆暮社人歌袴叔度風徽感
去留

移節灣陽策治平征南武庫慣籌兵傳師海島
曾磨盾獻馘天閭又請纓快馬紅旗馳捷報檻
車驛路護宵征行營鏡吹歌朱鷺譜出蘭陵入
陣聲

九重綸綍賁南天宣室酬勲秩早遷犀帶金
章朝撫部繡衣玉斧夜巡邊風生錦袖宮香鬱
日照珠冠翠羽鮮最好踈程騶唱穩小春時節
却征鞭

衣冠踰濟記登堂弟子行中附末光敢詡芝蘭
同臭味漫隨桃李廁門牆身頑幸得金鍼度才
短何堪玉尺量自愧年來趨絳帳單寒未饋束
脩羊

多謝慈雲覆八閩感恩不獨受知人銜尊良帥
澄清易職任名區保障新姓字不虛名士傳闕
山無恙使臣身北門鎖鑰應誰寄

簡在還看

巽命申

渡烏龍

江閩省城南三
十里海港

天木片言 卷四
烏江東去莽奔流一幅蒲帆一葉舟浩淼波濤吞
塔仔依稀村舍認螺洲潮聲遠自三山落海氣遙
從五虎收破浪乘風登彼岸但餘烟水飽雙眸

温州金鄉寓齋阻雪

幢々燭燄暗還明坐擁衾裯聽有聲雲重迷漫增
朔氣風尖斷續送殘更樓船泛海經年事雨雪長
途此夜情想像家山憑夢到愁來轉使夢難成

冬日行役温州道上作

曾鼓瀟湘棹甌江不待言暫辭閩嶠路又過浙東
村春近梅通信潮歸岸有痕何時息塵鞅策杖話

鄉園

遊温州雙塔寺三首

為訪名山泛畫船，隨波一葉去飄然。
檣聲暗逐潮聲遠，塔影還輸日影圓。
佛閣高臨千仞嶼，寺鐘敲斷一江烟。
重來舊蹟依稀認，取次收帆泊岼邊。

淼々甌江疊々山，褰裳偕友愛躋攀。
樓臺隱約花蔥蒨，石磴縈紆路曲彎。
雉堞一痕叢樹外，鸞帆幾點夕陽間。
自慙香火因緣淺，不及詩僧一味閒。

偷閒選勝得清遊，水抱山圍豁倦眸。
古寺當門先見塔，詩人化鶴尚餘樓。
寺有樓謝康樂文壁間鴻文山坳鵲詠于此

迹當年印檻外江聲自古流坐久不禁增感慨烟
波無限使人愁

遊處州石門洞瞻劉文成公遺像

到岸偶停舟名山且快遊兩新峰激翠霜老雁橫
秋飛瀑危岩瀉荒亭古像留功成遺基間辟穀信
良筭

房山磨碑寺題壁

四圍山匝匝一寺愜登臨高接諸天近陰探萬壑
深輕疑換仙骨靜好證禪心欲訪唐經峪行行獨

自吟

山中西域寺後有石經峪建始唐初高僧歷代續刊至遼始竣碑石永藏山峪

其二仍用前韵

未結尋山約無煩載酒臨人嫌青嶂陡我愛白雲
深一洗風塵面聊收清淨心何時重過此來續壁
間吟

憶西湖

那須福地訪仙家祇有西湖興未賒百頃澄波山
四面不栽楊柳即桃花

憶江南

最憶陽春二三月一枝柔艣泛江南綺羅香與江
山色不聽笙歌夢亦酣

瑞榴堂詩跋

愛山方伯與先子為鄉

舉齊年端趨庭學詩時即

聞先子述

公之為人真體大用異

日必為當代名臣寄

公宦於楚迨歷浙閩來直
陳臬旋晉屏藩適端自滇
歸始晤

公於金臺逆旅今年忝主
蓮池講席

公方以書院屋舍湫隘督

員興修履勘之餘時親容
止因得窺見

公詩既而將付剞劂屬為
校閱於是畢讀瑞榴堂稿
公文學政事夙擅兼長其
功業之卓有可見者原不

待以詩顯然篇什餘事無
非經濟學問所流露則讀
公之詩益知

公之為一代名臣其詩亦
足稱一代鉅手所謂有真
體大用昔之聞諸庭訓者

信不誣矣乃

公猶肫魄示冲不耻下問
一字一句必使推敲盡善
而後即安且必欲得芻蕘
數言而始快亦可見

公之為人矣非仕優而學

者能若是乎端不敏何足以窺其涯涘顧景仰者竅久而欽佩者尤深因以不文之詞綴於集末聊希附

驥云爾

晉

道光十有八年歲次戊戌
小雪先三日家子李

嘉端敬跋